

საქართველოს სტრატეგიული კვლევებისა და განვითარების ცენტრი

ფინანსური ანგარიშგება
2021 წლის 31 დეკემბრით დასრულებული წლისთვის
და
დამოუკიდებელი აუდიტორების დასკვნა

სარჩევი

	გვერდი
მენეჯმენტის პასუხისმგებლობის განსაზღვრა	3
დამოუკიდებელი აუდიტორების დასკვნა	4
ფინანსური ანგარიშგება 2021 წლის 31 დეკემბრით დასრულებული წლისთვის	
ფინანსური მდგომარეობის ანგარიშგება	6
საქმიანობის შედეგების ანგარიშგება	7
წმინდა აქტივებში ცვლილებების ანგარიშგება	8
ფუნქციონალური ხარჯების ანგარიშგება	9
ფულადი სახსრების მოძრაობის ანგარიშგება	10
ფინანსური ანგარიშგების შენიშვნები	11 - 21

დამოუკიდებელი აუდიტორების დასკვნა

საქართველოს სტრატეგიული კვლევებისა და განვითარების ცენტრი
იოველ ჯებაშვილის I გასასვლელი, N5
თბილისი, საქართველო

მოსაზრება

ჩვენ ჩავატარეთ საქართველოს სტრატეგიული კვლევებისა და განვითარების ცენტრი-ს (შემდგომში "ორგანიზაცია") ფინანსური ანგარიშგების აუდიტი, რომელიც მოიცავს ფინანსური მდგომარეობის ანგარიშგებას 2021 წლის 31 დეკემბრით დასრულებული წლისათვის, აგრეთვე საქმიანობის შედეგების ანგარიშგებას, ფუნქციონალური ხარჯების ანგარიშგებასა და ფულადი სახსრების მოძრაობის ანგარიშგებას წლისათვის, რომელიც დასრულდა აღნიშნული თარიღით, აგრეთვე ახსნა-განმარტებით შენიშვნებს, მათ შორის მნიშვნელოვან სააღრიცხვო პოლიტიკებზე.

ჩვენი აზრით, თანდართული ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს ორგანიზაციის ფინანსურ მდგომარეობას 2021 წლის 31 დეკემბრის მდგომარეობით, აგრეთვე მისი საქმიანობის ფინანსურ შედეგებსა და ფულადი სახსრების მოძრაობას იმ წლისთვის, რომელიც დასრულდა მოცემული თარიღით არასამეწარმეო (არაკომერციული) იურიდიული პირების ფინანსური ანგარიშგების სტანდარტის (ბუღალტრული აღრიცხვის, ანგარიშგებისა და აუდიტის ზედამხედველობის სამსახურის უფროსის ბრძანება №-9) შესაბამისად.

მოსაზრების საფუძველი

აუდიტი ჩავატარეთ აუდიტის საერთაშორისო სტანდარტების (ას-ების) შესაბამისად. ამ სტანდარტებით განსაზღვრული ჩვენი პასუხისმგებლობები დეტალურად აღწერილია ჩვენი დასკვნის - "აუდიტორის პასუხისმგებლობა ფინანსური ანგარიშგების აუდიტზე" - ნაწილში. ჩვენ დამოუკიდებელი ვართ ორგანიზაციისაგან იმ ეთიკური ნორმების შესაბამისად, რომლებიც ეხება ჩვენ მიერ ჩატარებულ ფინანსური ანგარიშგების აუდიტს საქართველოში; გარდა ამისა, შევასრულეთ ამ ნორმებით გათვალისწინებული სხვა ეთიკური ვალდებულებებიც. გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისი საფუძველია ჩვენი მოსაზრებისთვის აუცილებელი საფუძვლის შესაქმნელად.

მენეჯმენტისა და მართვის უფლებამოსილებით აღჭურვილ პირთა პასუხისმგებლობა ფინანსურ ანგარიშგებაზე

მენეჯმენტი პასუხისმგებელია თანდართული ფინანსური ანგარიშგების მომზადებასა და სამართლიან წარდგენაზე არასამეწარმეო (არაკომერციული) იურიდიული პირების ფინანსური ანგარიშგების სტანდარტის (ბუღალტრული აღრიცხვის, ანგარიშგებისა და აუდიტის ზედამხედველობის სამსახურის უფროსის ბრძანება №-9) შესაბამისად, ასევე შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას მენეჯმენტს ევალება, შეაფასოს ორგანიზაციის ფუნქციონირებადობის უნარი და, აუცილებლობის შემთხვევაში, ფინანსური ანგარიშგების შენიშვნებში განმარტოს საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან დაკავშირებული საკითხები, გარდა იმ შემთხვევისა, როდესაც მენეჯმენტს განზრახული აქვს ორგანიზაციის ლიკვიდაცია ან საქმიანობის შეწყვეტა, ან თუ არა აქვს სხვა რეალური არჩევანი, ასე რომ არ მოიქცეს.

მართვის უფლებამოსილებით აღჭურვილი პირები პასუხისმგებელი არიან ორგანიზაციის ფინანსური ანგარიშგების მომზადებისა და წარდგენის პროცესის ზედამხედველობაზე.

დამოუკიდებელი აუდიტორების დასკვნა (გაგრძელება)

აუდიტორის პასუხისმგებლობა ფინანსური ანგარიშგების აუდიტზე

ჩვენი მიზანია, მოვიპოვოთ დასაბუთებული რწმუნება იმის შესახებ, რომ წარმოდგენილი ფინანსური ანგარიშგება არ შეიცავს არსებით უზუსტობას, მათ შორის გამოწვეულს თაღლითობით ან შეცდომით, და გავცეთ აუდიტორის დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს არსებულ ნებისმიერ არსებით უზუსტობას. უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა, თუკი გონივრულ ფარგლებში, მოსალოდნელია, რომ ისინი ცალკე ან ერთობლივად, გავლენას მოახდენს მომხმარებლის მიერ ფინანსური ანგარიშგების გამოყენების საფუძველზე მიღებულ ეკონომიკურ გადაწყვეტილებებზე.

ასს-ების შესაბამისად აუდიტის ჩატარება ითვალისწინებს აუდიტის პროცესში აუდიტორის მიერ პროფესიული მსჯელობის გამოყენებას და პროფესიული სკეპტიციზმის შენარჩუნებას. გარდა ამისა, ჩვენ:

- ვადგენთ და ვაფასებთ თაღლითობით ან შეცდომით გამოწვეულ, ფინანსური ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და მოვიპოვებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის იგნორირებას.
- შევისწავლით აუდიტისთვის შესაფერის შიდა კონტროლის საშუალებებს, რათა დავგეგმოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ ორგანიზაციის შიდა კონტროლის ეფექტიანობაზე.
- ვაფასებთ მენეჯმენტის მიერ გამოყენებული სააღრიცხვო პოლიტიკის მიზანშეწონილობას, მენეჯმენტის მიერ განსაზღვრული სააღრიცხვო შეფასებების დასაბუთებულობასა და შესაბამისი ახსნა-განმარტებების მართებულობას.
- დასკვნა გამოგვაქვს მენეჯმენტის მიერ ანგარიშგების საფუძვლად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა ორგანიზაციის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის დასკვნაში ყურადღების გამახვილება ფინანსური ანგარიშგების შესაბამის შენიშვნებზე, ან, თუ ამგვარი განმარტებითი შენიშვნები ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით შეიძლება ორგანიზაცია უკვე აღარ იყოს ფუნქციონირებადი საწარმო.
- ვაფასებთ ფინანსური ანგარიშგების წარდგენას მთლიანობაში, მის სტრუქტურას, მის შინაარსს და ახსნა-განმარტებით შენიშვნებს. ამასთან ვაფასებთ, ფინანსური ანგარიშგების საფუძვლად აღებული ოპერაციები და მოვლენები უზრუნველყოფს თუ არა ფინანსური ანგარიშგების სამართლიან წარდგენას.

მართვის უფლებამოსილებით აღჭურვილ პირებს, სხვასთან ერთად, ვაწვდით ინფორმაციას აუდიტის დაგეგმილი მასშტაბის, ვადებისა და, ასევე, აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

მიხეილ აბაიაძე / სერტიფიცირებული აუდიტორი / პარტნიორი

ვირმის რეგისტრაციის ნომერი: SARAS-F-320544

აუდიტორის რეგისტრაციის ნომერი: SARAS-A-865011

ივლისი 14, 2022

თბილისი, საქართველო

შენიშვნა 1: ორგანიზაციის შესახებ

საქართველოს სტრატეგიული კვლევებისა და განვითარების ცენტრი (CSRDG) არის არაპოლიტიკური, არაკომერციული, არასამთავრობო ორგანიზაცია, რომელიც დაარსდა 1995 წლის ივლისში. ადამიანებს, რომელთაც დააფუძნეს ეს ორგანიზაცია, სურვილი ჰქონდათ მონაწილეობა მიეღოთ საქართველოს განვითარების პროცესებში. მოსახლეობის ცნობიერების ამაღლების, გადაწყვეტილების მიღების პროცესში აქტიური ჩართულობით, მათი ინტერესების დაცვის და სამოქალაქო ინიციატივების მხარდაჭერის გზით, ორგანიზაცია ხელს უწყობს სამოქალაქო საზოგადოების განვითარებას. საქართველოს სტრატეგიული კვლევებისა და განვითარების ცენტრი ცდილობს მხარი დაუჭიროს საზოგადოების ისეთ ჯგუფებს და ადამიანებს, რომლებიც ხელს უწყობენ ეფექტური სოციალური, პოლიტიკური და ეკონომიკური რეფორმების განვითარებას და ხელს უწყობენ ადამიანის უფლებების მდგრადი ინსტიტუტის ჩამოყალიბებას. საქართველოს სტრატეგიული კვლევებისა და განვითარების ცენტრის მიდგომა დაფუძნებულია გამჭვირვალობის, სამართლიანობის და შემოქმედებით პრინციპებზე. ორგანიზაციის საქმიანობის ძირითადი სფეროებია:

- სოციალური სერვისების განვითარება;
- მომხმარებლის უფლებების დაცვა;
- თემის განვითარება;
- სოციალური მეწარმეობა;
- კარგი მმართველობა;
- სოციალური პასუხისმგებლობა;
- ევროინტეგრაციის ხელშეწყობა;
- საზოგადოებრივი ორგანიზაციების განვითარება.

CSRDG-ის მისიაა საქართველოში საზოგადოების კეთილდღეობისათვის, კარგი მმართველობის, მდგრადი, ინკლუზიური ეკონომიკური განვითარებისა და აქტიური სამოქალაქო საზოგადოების ფორმირების ხელშეწყობა. ორგანიზაცია სამი ძირითადი სტრატეგიული მიმართულებით მუშაობს, რომელიც ემსახურება ორგანიზაციის მისიის მიღწევას:

1. სამოქალაქო სექტორის განვითარება;
2. ღია მმართველობის ხელშეწყობა;
3. ეკონომიკური და სოციალური ცვლილებების ხელშეწყობა.

1. სამოქალაქო სექტორის განვითარება ორგანიზაციაში მიმდინარე ერთ-ერთი პირველი სტრატეგიული მიმართულებაა, რომლის ამოცანასაც ადგილობრივ და ეროვნულ დონეზე სამოქალაქო საზოგადოების მხრიდან საკუთარი მიზნობრივი ჯგუფების ინტერესების დაცვის და მათთვის შესაბამისი სერვისების მიწოდების გაუმჯობესების ხელშეწყობა წარმოადგენს. სამოქალაქო სექტორის განვითარების ქვეშ თემის განვითარებისა და საზოგადოებრივი ორგანიზაციების განვითარების პროგრამები ერთიანდებიან.

- თემის განვითარება(სოფლის და თემის დონეზე) - თემში ინსტიტუციური, ადვოკატირებისა და რესურსების მობილიზების უნარების გაძლიერება, რათა თემის წევრებმა ადგილობრივ განვითარებაში შეძლონ აქტიური და მნიშვნელოვანი წვლილის შეტანა.
- საზოგადოებრივი ორგანიზაციების გაძლიერება - ადგილობრივ და ეროვნულ დონეზე მოქმედი საზოგადოებრივი ორგანიზაციების ინსტიტუციური შესაძლებლობების გაძლიერება, რათა მათ შესთავაზონ უკეთესი სერვისი მიზნობრივ ჯგუფებს.

2. ღია მმართველობის ხელშეწყობის მიმართულების ამოცანაა ღია და საჭიროებებზე დაფუძნებული მმართველობის დასამყარებლად მთავრობასა და სამოქალაქო სექტორს შორის თანამშრომლობის ხელშეწყობა. არსებული ამოცანების სრულყოფისათვის ორგანიზაცია ორი პროგრამის ფარგლებში მუშაობს - კარგი მმართველობა და ევროინტეგრაციის ხელშეწყობა.

- კარგი მმართველობა - ადგილობრივი თვითმმართველობების მიერ გამჭვირვალობის, ანგარიშვალდებულების და მდგრადი განვითარების პრინციპების დამკვიდრება მართვის პროცესში.
- ევროინტეგრაციის ხელშეწყობა - საზოგადოებრივი ორგანიზაციების შესაძლებლობების გაზრდა, მოსახლეობის სოციალური, ეკონომიკური და კულტურული უფლებების უკეთ იდენტიფიცირების, მონიტორინგის და ადვოკატირების კუთხით.

შენიშვნა 1: ორგანიზაციის შესახებ (გაგრძელება)

3. ეკონომიკური და სოციალური ცვლილებების ხელშეწყობის მიმართულების სტრატეგიულ ამოცანას ქვეყანაში სამოქალაქო სექტორის, ბიზნესისა და მოქალაქეთა სოციალური პასუხისმგებლობის გაზრდა წარმოადგენს. ორგანიზაციაში ამ მიმართულებაში სამი პროგრამა ერთიანდება.

- კორპორაციული სოციალური პასუხისმგებლობა - CSR კონცეფციის განვითარება ხელს უწყობს ყველა სექტორში არსებულ სოციალურ და გარემოს კეთილდღეობას. ბიზნეს კომპანიებისთვის მნიშვნელოვანია გააცნობიერონ საზოგადოების წინაშე პასუხისმგებლობა და აქტიური როლი შესარულონ ქვეყნის მდგრად განვითარებაში.
- სოციალური მეწარმეობა (SE) - არის ეფექტური გზა სხვადასხვა მოწყვლადი ჯგუფების ეკონომიკური ჩართულობისთვის გარემოსდაცვითი და სოციალური პრობლემების გადაჭრის პროცესებში. SE-ის დახმარებით შესაძლებელია აღმოიფხვრას ის სოციალური პრობლემები, რომლებიც არ არის ბიზნეს კომპანიების ინტერესის ფოკუსში და რომელთა მოგვარებისთვის მთავრობაში არ არსებობს საკმარისი რესურსი.
- მომხმარებელთა უფლებების დაცვა - ეფექტურად მუშაობს მხოლოდ მაშინ, როდესაც არსებობს შესაბამისი სახელმწიფო პოლიტიკის მექანიზმები. ბიზნესი უფრო მეტად პასუხისმგებელია მომხმარებლების მიმართ, ხოლო მოქალაქეები, როგორც მომხმარებლები, უფრო აქტიურად იცავენ საკუთარ უფლებებს.

2017 წლის 13 იანვარს CSR DG-მ გააფორმა საგრანტო ხელშეკრულება Konrad-Adenauer-Stiftung-თან პროექტის "საქართველოს სამოქალაქო საზოგადოების განვითარების ინიციატივა" განსახორციელებლად. მთლიანი საგრანტო თანხა შეადგენს 1,087,393 ევროს. გრანტის ხანგრძლივობაა 2017 წლის 16 იანვრიდან 2020 წლის 01 ოქტომბრამდე (KAS).

2020 წლის 22 დეკემბერს CSR DG-მ გააფორმა საგრანტო ხელშეკრულება ევროკავშირთან პროექტის განხორციელების შესახებ, რომლის თემაც არის „სოციალური მეწარმეობის გაუმჯობესება მდგრადი საზოგადოებისთვის“. პროექტის განხორციელების ვადები განსაზღვრულია 2021 წლის 01 მარტიდან 36 თვის განმავლობაში. პროექტის საერთო ბიუჯეტი განისაზღვრა 1,000,000 ევროს ოდენობით. (EU)

2019 წლის 12 დეკემბერს ხელი მოეწერა საგრანტო ხელშეკრულებას CSR DG-სა და ევროკავშირის შორის პროექტის "უფლებების დაცვაზე დაფუძნებული სოციალური მომსახურება შეზღუდული შესაძლებლობის მქონე პირთა და ხანდაზმულთათვის" განსახორციელებლად. საგრანტო პერიოდია 2019 წლის 13 დეკემბრიდან 2022 წლის 12 დეკემბრამდე, ხოლო საგრანტო თანხა შეადგენს 399,000 ევროს. (EU)

2017 წლის 28 თებერვალს CSR DG-სა და BFW-ს შორის გაფორმდა საგრანტო ხელშეკრულება პროექტის "სამოქალაქო საზოგადოების ჩართულობის ხელშეწყობა, ადგილობრივი თანამშრომლობის განსაზღვრა და პოლიტიკური გავლენა, გაგრძელება, ძირითადი პროგრამა 2017-2020 განსახორციელებლად. სრული საგრანტო თანხა შეადგენს 1,232,400 ევროს, ხოლო გრანტის ხანგრძლივობაა 2017 წლის 01 იანვრიდან 2020 წლის 30 ივნისამდე. (BFW)

2020 წლის 8 ივლისს ხელი მოეწერა ხელშეკრულებას CSR DG-სა და BFW-ს შორის „სამოქალაქო ჩართულობა, სოციალური პასუხისმგებლობა და სწორი მართვის“ განსახორციელებლად. პროექტის ვადები განისაზღვრა 2020 წლის 01 ივლისიდან 2023 წლის 30 ივნისამდე, ხოლო საგრანტო თანხა შეადგენს 740,000 ევროს. (BFW)

2020 წლის 14 აგვისტოს CSR DG-სა და „საქართველოს ღია საზოგადოების ფონდი“-ს შორის გაფორმდა ხელშეკრულება პროექტის თაობაზე: „ერთიანობა და სოლიდარობა COVID-19-ის წინააღმდეგ II“ განსახორციელებლად, პროექტის ბიუჯეტი განისაზღვრა 19,252 აშშ დოლარის ოდენობით, პროექტის ხანგრძლივობა 2020 წლის 14 აგვისტოდან 2020 წლის 14 დეკემბრამდე. (OSGF)

2020 წლის 14 აგვისტოს CSR DG-სა და UNDP-ს შორის გაფორმდა ხელშეკრულება პროექტის თაობაზე "გენდერული თანასწორობა". პროექტის ბიუჯეტი განისაზღვრა 50,000 აშშ დოლარის ოდენობით, პროექტის ხანგრძლივობა 2020 წლის 12 ივნისიდან 2020 წლის 30 დეკემბრამდე. (UNDP)

2017 წლის 13 იანვარს CSR DG-მ გააფორმა საგრანტო ხელშეკრულება Konrad-Adenauer-Stiftung KAS-თან პროექტის "საქართველოს სამოქალაქო საზოგადოების მდგრადობის ინიციატივა" 473,549 ევროს ოდენობით. გრანტის ხანგრძლივობაა 2017 წლის 16 იანვრიდან 2021 წლის 31 იანვრამდე. (KAS)

შენიშვნა 1: ორგანიზაციის შესახებ (გაგრძელება)

2019 წლის 4 მარტს ხელი მოეწერა საგრანტო ხელშეკრულებას CSRDG-სა და ნიდერლანდების საელჩოს შორის პროექტის "უსაფრთხო პროდუქტები ქართველი მომხმარებლებისთვის" განსახორციელებლად. საგრანტო პერიოდია 2019 წლის 1 მარტიდან 2021 წლის 28 თებერვლამდე, ხოლო საგრანტო თანხა შეადგენს 506,433 ლარს.(Embassy of the Netherlands)

2017 წლის 31 იანვარს CRSDG-სა და ASB-ს შორის გაფორმდა ხელშეკრულება პროექტის თაობაზე: „რეინტეგრაციის კვალიფიკაცია - საზოგადოებაში დაბრუნების გზა“ განსახორციელებლად, პროექტის ბიუჯეტი განისაზღვრა 245,530 ევროს ოდენობით, პროექტის ხანგრძლივობა 2017 წლის 01 იანვრიდან 2020 წლის 01 თებერვლამდე.(ASB)

2020 წლის 28 აპრილს CRSDG-სა და „საქართველოს ღია საზოგადოების ფონდს“ შორის გაფორმდა ხელშეკრულება პროექტის თაობაზე: „ერთიანობა და სოლიდარობა COVID-19-ის წინააღმდეგ“ განსახორციელებლად, პროექტის ბიუჯეტი განისაზღვრა 20,000 აშშ დოლარის ოდენობით, პროექტის ხანგრძლივობა 2020 წლის 28 აპრილიდან 2020 წლის 28 ივლისამდე.(OSGF)

2017 წლის 03 ივლისს ხელი მოეწერა საგრანტო ხელშეკრულებას CSRDG-სა და CENN-ს შორის, პროექტის „ქედის მუნიციპალიტეტის ადგილობრივი რესურსებისა და პოტენციალის ოპტიმალური გამოყენება სოფლის განვითარებისათვის“ განსახორციელებლად. გრანტის განხორციელების პერიოდია 2017 წლის 03 ივლისიდან 2021 წლის 28 თებერვლამდე. მთლიანი საგრანტო თანხა შეადგენს 112,600 ევროს. (დაფ. წყარო ევროკავშირი. (CENN)

2020 წლის 15 აპრილს CSRDG-სა და Hilfswerk International (HWI)-ს შორის დაიდო ხელშეკრულება სახელწოდებით „ხანდაზმული ადამიანების ზრუნვა და მისი მდგრადი მოდელები საქართველოსა და ბოსნია ჰერცეგოვინაში“. პროექტის საერთო ბიუჯეტი მოიცავს 90,000 ევროს. პროექტის განხორციელების ვადები არის 2020 წლის 1 მარტიდან 2023 წლის 31 დეკემბრის ჩათვლით.(HWI)

2019 წლის 15 მაისს ხელი მოეწერა საგრანტო ხელშეკრულებას CSRDG-სა და UNOP-ს შორის პროექტის "გლობალური დათბობის კამპანია - მომავლის შეცვლის შანსი" განსახორციელებლად. საგრანტო პერიოდია 2019 წლის 15 მაისიდან 2020 წლის 31 მაისამდე, ხოლო საგრანტო თანხა შეადგენს 20,000 აშშ დოლარს.(UNOP)

2020 წლის 15 აპრილს ხელი მოეწერა საგრანტო ხელშეკრულებას CSRDG-ის მიერ „კომუნიკაციის სისტემის პლატფორმის განვითარების“ პროექტის განსახორციელებლად, პროექტის ვადები განისაზღვრა 2020 წლის 17 აპრილიდან 2020 წლის 01 დეკემბრამდე. პროექტისთვის გამოყოფილი თანხაა 8,890 ევრო (BPB).

2020 წლის 11 ოქტომბერს ხელი მოეწერა ხელშეკრულებას CSRDG-სა და „European Union represented by the European Commission“-ს შორის, პროექტის მიზანია ინოვაციური სამუშაო ადგილების შესაძლებლობის განვითარება რეგიონში, პროექტის ხანგრძლივობა 36 თვე, პროექტისთვის გათვალისწინებულია ბიუჯეტი 925,255 ევროს ოდენობით.(EU)

2020 წლის 15 ოქტომბერს გერმანიის ფედერაციული რესპუბლიკის ფრიდრიხ ებერტის ფონდის წარმომადგენლობასა და CSRDG-ს შორის გაფორმდა ხელშეკრულება, პროექტის განხორციელების ვადები განისაზღვრა 2020 წლის ოქტომბრის და ნოემბრის თვეებით. პროექტის საერთო ბიუჯეტის რაოდენობა შეადგენს 22,800 ლარს . (FES)

2020 წლის 07 ივლისს გაფორმდა ხელშეკრულება პროექტის შესახებ „სათემო ფონდის დამწყებ საქართველოში ტექნიკურ-ეკონომიკური დასაბუთება“ „ევროპის საზოგადოების ფონდის ინიციატივასა“ და CSRDG-ს შორის, ჯამური ოდენობით 3,690 ევრო. გრანტის ხანგრძლივობაა 2020 წლის 15 ოქტომბრიდან 2020 წლის 30 ნოემბრამდე. (ECFI)

2020 წლის 30 ნოემბერს ხელი მოეწერა საგრანტო ხელშეკრულებას CSRDG-სა და “Estern Partnership Civil Society Forum” -ს შორის, პროექტის სახელწოდებაა : „გამჭირვალე პირბადეები ადამიანების უფლებებისთვის“. პროექტის ვადები განისაზღვრა 2020 წლის 01 დეკემბრიდან 28 თებერვლის ჩათვლით, პროექტის ბიუჯეტია 15,304 ევრო.(EPCSF)

2020 წლის 30 ნოემბერს ხელი მოეწერა საგრანტო ხელშეკრულებას CSRDG-სა და “Estern Partnership Civil Society Forum” -ს შორის, პროექტის სახელწოდებაა : „გამჭირვალე პირბადეები ადამიანების უფლებებისთვის“. პროექტის ვადები განისაზღვრა 2020 წლის 01 დეკემბრიდან 28 თებერვლის ჩათვლით, პროექტის ბიუჯეტია 15,304 ევრო.(EPCSF)

შენიშვნა 1: ორგანიზაციის შესახებ (გაგრძელება)

2021 წლის 29 იანვარს CSRDG-მ გააფორმა საგრანტო ხელშეკრულება Konrad-Adenauer-Stiftung KAS-თან პროექტზე "სამოქალაქო საზოგადოების ინიციატივა: მდგრადი, ღია და ანგარიშვალდებული სამოქალაქო საზოგადოების ორგანიზაციები საქართველოს განვითარებისთვის". გრანტის ჯამური ოდენობა შეადგენს 1,909,270 ევროს. გრანტის ხანგრძლივობაა 2021 წლის 01 თებერვლიდან 2025 წლის 31 იანვრამდე.(KAS)

2021 წლის 14 აპრილს CSRDG-მ გააფორმა საგრანტო ხელშეკრულება European Venture Philanthropy Association-EVPA-სთან პროექტზე „თანამშრომლობა დადებითი ცვლილებებისთვის – სოციალური მეწარმეობისა და სოციალური ინვესტიციების განვითარება ეკონომიკური და სოციალური გამდიერებისთვის აღმოსავლეთ პარტნიორობის ქვეყნებსა და რუსეთში“. გრანტის ოდენობა შეადგენს 485,500 ევროს. გრანტის ხანგრძლივობაა 2020 წლის 01 სექტემბრიდან 2025 წლის 31 აგვისტომდე.(EVPA)

2021 წლის 22 მარტს CSRDG-სა და UNDP-ს შორის გაფორმდა ხელშეკრულება პროექტის თაობაზე "გენდერული თანასწორობა". პროექტის ბიუჯეტი განისაზღვრა 45,000 აშშ დოლარის ოდენობით, პროექტის ხანგრძლივობაა 2021 წლის 18 მარტიდან 2021 წლის 30 ნოემბრამდე.(UNDP)

2021 წლის 15 მარტს გერმანიის ფედერაციული რესპუბლიკის ფრიდრიხ ებერტის ფონდის წარმომადგენლობასა და CSRDG-ს შორის გაფორმდა საგრანტო ხელშეკრულება. პროექტის განხორციელების ვადები განისაზღვრა 2021 წლის აპრილისა და ოქტომბრის თვეებით. პროექტის საერთო ბიუჯეტის რაოდენობა შეადგენს 35,280 ლარს . (FES)

2021 წლის 11 თებერვალს CSRDG-სა და The Netherlands Helsinki Committee-სთან EU COVID-19 სოლიდარობის პროგრამა აღმოსავლეთ პარტნიორობისთვის-ის ფარგლებში ხელი მოეწერა საგრანტო ხელშეკრულებას. გრანტის ოდენობა შეადგენს 4,988 ევროს. გრანტის ხანგრძლივობაა 2021 წლის 10 თებერვლიდან 2021 წლის 10 მაისამდე.(NHC COVID)

შენიშვნა 2: სააღრიცხვო პოლიტიკა

(ა) ფინანსური ანგარიშგების წარდგენის საფუძვლები

წარმოდგენილი ფინანსური ანგარიშგება მომზადებულია არასამეწარმეო (არაკომერციული) იურიდიული პირების ფინანსური ანგარიშგების სტანდარტის (ბუღალტრული აღრიცხვის, ანგარიშგებისა და აუდიტის ზედამხედველობის სამსახურის უფროსის ბრძანება №9-ის (26 ივნისი, 2018) მიხედვით.

ორგანიზაციის სააღრიცხვო პოლიტიკის შესაბამისად, წინამდებარე ფინანსური ანგარიშგება მომზადდა დარიცხვის პრინციპის და ისტორიული ღირებულების პრინციპების გამოყენებით.

პირვანდელი ღირებულების პრინციპის მიხედვით აქტივების აღრიცხვა ხდება მათი შეძენის დროს გადახდილი ფულადი სახსრების ან მათი ეკვივალენტების ოდენობით, ან იმ რეალური ღირებულებით, რომელიც უნდა გადახდილიყო მათი შეძენის მომენტში. ვალდებულებები აღრიცხვას იმ აქტივის თანხის სიდიდით, რომელიც მიღებულია მოცემული ვალდებულების სანაცვლოდ; ზოგიერთ შემთხვევაში კი იმ თანხით, რომლის ორგანიზაციიდან გასვლა მოსალოდნელია ამ ვალდებულების დასაფარავად ორგანიზაციის ჩვეულებრივი საქმიანობის პირობებში.

დარიცხვის მეთოდის თანახმად, სამეურნეო ოპერაციების შედეგებისა და სხვა მოვლენების აღიარება ხდება მათი მოხდენისთანავე (და არა ფულადი სახსრებისა და მისი ეკვივალენტების მიღებისა და გადახდის დროს). ამასთან, ისინი ტარდება სათანადო ბუღალტრულ დოკუმენტებში და აისახება იმ პერიოდის ფინანსურ ანგარიშგებაში, რომელსაც განეკუთვნება.

(ბ) შეფასებების გამოყენება

ფინანსური ანგარიშგების მომზადება მოითხოვს შეფასებების გაკეთებას, რომლებიც გავლენას ახდენენ ანგარიშგებაში წარმოდგენილი აქტივებისა და ვალდებულებების თანხებზე, შესრულებული ოპერაციების შედეგად წარმოქმნილი ფინანსური ანგარიშგების შედგენის თარიღისათვის არსებული პირობითი აქტივებისა და ვალდებულებების მოცულობაზე და საანგარიშო პერიოდში წარმოდგენილი შემოსავლებისა და ხარჯების თანხებზე. მიუხედავად იმისა, რომ ეს მაჩვენებლები ეყრდნობა მენეჯმენტის მხრიდან არსებული მოვლენებისა და ქმედებების ცოდნას, ფაქტობრივი შედეგები შესაძლოა საბოლოო ჯამში განსხვავდებოდეს ამ შეფასებებისაგან.

შენიშვნა 2: სააღრიცხვო პოლიტიკა (გაგრძელება)

(გ) ფინანსური ანგარიშგების საოპერაციო და საანგარიშგებო ვალუტა

ორგანიზაციის საოპერაციო და სააღრიცხვო ვალუტას წარმოადგენს ქართული ლარი. თუმცა, ზოგიერთი გრანტი დონორისგან მიღებულია ევროში ან დოლარში და ზოგიერთი ფინანსური რეპორტი დონორთან წარდგენილია ევროში და დოლარში, თუმცა ანგარიშგება მზადდება ლარებში. ძირითადი ოპერაციები სრულდება ქართულ ლარებში.

(დ) უცხოური ვალუტის გადაფასება

უცხოურ ვალუტაში გამოსახული გარიგებები აღრიცხება იმ გაცვლითი კურსის შესაბამისად, რომელიც არსებობს ოპერაციის თარიღისათვის. უცხოურ ვალუტაში გამოსახული გარიგების განხორციელების შედეგად წარმოქმნილი გაცვლითი კურსის სხვაობები აისახება საქმიანობის შედეგების ანგარიშგებაში იმ დღისათვის არსებული გაცვლითი კურსის შესაბამისად.

უცხოურ ვალუტაში გამოსახული ფულადი აქტივები და ვალდებულებები გადაყვანილია ქართულ ლარებში საქართველოს ეროვნული ბანკის მიერ საანგარიშგებო პერიოდის ბოლო თარიღისათვის გამოცხადებული ოფიციალური გაცვლითი კურსის შესაბამისად. 2021 და 2020 წლის 31 დეკემბრით დასრულებული წლებისათვის უცხოური ვალუტის ნაშთების ლარებში გადაყვანისათვის გამოყენებული ძირითადი განაკვეთი იყო:

	დეკემბერი 31, 2021	დეკემბერი 31, 2020
ლარი / 1 აშშ დოლარი	3.0976	3.2766
ლარი / 1 ევრო	3.5040	4.0233
ლარი / 1 ფუნტი	4.1737	4.4529

(ე) საგრანტო შემოსავალი და გადავადებული გრანტი

ორგანიზაცია დონორისგან მისაღებ, ხელშეკრულებით განსაზღვრულ თანხებს აღრიცხავს როგორც გადავადებულ გრანტს. ხოლო პროგრამის შესაბამისი დანახარჯების გაწევის და მათი აღიარების შემდეგ, შესაბამისი თანხით მცირდება გადავადებული გრანტის ოდენობა და ხდება ამ თანხის შემოსავლად აღიარება.

(ვ) ფულადი სახსრები და მათი ეკვივალენტები

ფულადი სახსრები და მათი ეკვივალენტები შედგება სალაროში არსებული ნაღდი ფულისაგან და ბანკში არსებული ფულადი სახსრებისგან.

(ზ) გადასახადები

საქართველოს სტრატეგიული კვლევებისა და განვითარების ცენტრი, როგორც არასამთავრობო, არაკომერციული ორგანიზაცია, იხდის შემდეგ გადასახადებს:

საშემოსავლო გადასახადი (20%). აღნიშნული გადასახადი გადაიხდება მთლიანი ხელფასიდან და მასთან დაკავშირებული შეღავათებიდან, რომლებიც თანამშრომლებზე გაიცემა საქართველოს საგადასახადო კანონმდებლობის შესაბამისად. აღნიშნული გადასახადი ხარჯების ანგარიშგებაში შედის, როგორც ხელფასის შემადგენელი ნაწილი და მასთან დაკავშირებული შეღავათები.

დამატებითი ღირებულების გადასახადი (დღგ) (2005 წლის 30 ივნისიდან 18%). ორგანიზაცია რეგისტრირებულია საგადასახადო ორგანოში, როგორც დღგ-ს გადამხდელი.

საპენსიო სქემა - 2018 წლის 21 ივნისს საქართველომ მიიღო კანონი საპენსიო ფონდის შესახებ, რომელიც ძალაში შევიდა 2019 წლის 1 იანვრიდან. დაგროვებითი საპენსიო სქემა 6%-იან შენატანს ითვალისწინებს. კერძოდ, დასაქმებული თავისი დასაბეგრი ხელფასის 2%-ს გადარიცხავს ინდივიდუალურ საპენსიო ანგარიშზე, დამსაქმებელი ასევე გადარიცხავს დამატებით 2%-ს, ხოლო სახელმწიფო ბიუჯეტიდან გადარიცხება კიდევ 2%, როგორც დამსაქმებელი, ორგანიზაცია გადარიცხავს 2%-ს თავის მხრივ.

(თ) ძირითადი საშუალებები

ძირითადი საშუალებები მოცემულია ისტორიული ღირებულებით მინუს ცვეთა. ისტორიული ღირებულება მოიცავს აქტივის შეძენასთან პირდაპირ დაკავშირებულ დანახარჯებს.

შენიშვნა 2: საადრეგვო პოლიტიკა (გაგრძელება)

(თ) ძირითადი საშუალებები (გაგრძელება)

ძირითადი საშუალებების ცვეთა გამოითვლება შემცირებადი ნაშთის მეთოდით მთელი სასარგებლო მომსახურების ვადის განმავლობაში. სასარგებლო მომსახურების ვადები განისაზღვრება შემდეგნაირად:

აქტივების ჯგუფი	სასარგებლო მომსახურების ვადა
შენობა-ნაგებობები	30 წელი
ოფისის აღჭურვილობა	5-10 წელი
სატრანსპორტო საშუალებები	5-10 წელი

ძირითადი საშუალებების გაყიდვა/ჩამოწერასთან დაკავშირებული მოგება ან ზარალი დგინდება ნარჩენ ღირებულებაზე დაყრდნობით და გაითვალისწინება მიმდინარე მოგების განსაზღვრისას. ძირითადი საშუალებების მომსახურების ხარჯები ასახულია მოგება ზარალის ანგარიშგებაში, ხარჯების გაწევის მომენტში.

(ი) წმინდა აქტივების კლასიფიკაცია

წმინდა აქტივები შედგება შეუზღუდავი, დროებით შეზღუდული და მუდმივად შეზღუდული წმინდა აქტივებისაგან:

შეუზღუდავი წმინდა აქტივები – წარმოადგენს ორგანიზაციის ფონდების იმ შემოსავლებს და დონორისგან მიღებულ იმ შენატანებს, რომლებზეც არ ვრცელდება დონორის შეზღუდვები. ეს წმინდა აქტივები ორგანიზაციისთვის ხელმისაწვდომია საოპერაციო მიზნებისათვის.

დროებით შეზღუდული წმინდა აქტივები – წარმოადგენს ორგანიზაციის ფონდების იმ ნაწილს, რომელიც შექმნილია აქტივების შენატანებით და სხვა წყაროებით, რომელთა გამოყენება ორგანიზაციის განსაზღვრული აქვს დონორის მიერ დაწესებული შეზღუდვებით, რომელიც იწურება დროთა განმავლობაში, ასევე ორგანიზაციის მიერ არ შეიძლება სხვაგვარად შესრულდეს ან გაუქმდეს;

მუდმივად შეზღუდული წმინდა აქტივები – წარმოადგენს ორგანიზაციის ფონდების იმ ნაწილს, რომელიც შექმნილია აქტივების შენატანებით და სხვა წყაროებით, რომელთა გამოყენება ორგანიზაციის განსაზღვრული აქვს დონორის მიერ დაწესებული შეზღუდვებით, რომელიც არ იწურება დროთა განმავლობაში, ასევე ორგანიზაციის მიერ არ შეიძლება სხვაგვარად შესრულდეს ან გაუქმდეს.

(კ) შემოსავალი

შეუზღუდავი და დროებით შეზღუდული ფონდები აღიარდება როგორც შემოსავალი, როდესაც მოხდება დონორთან ხელშეკრულების გაფორმება. შეზღუდული ფონდები აღიარდება როგორც გადავადებული შემოსავალი იმდენად, რამდენადაც მოხდება ფაქტიური დანახარჯების გაწევა და დონორის მიერ დაწესებული დროითი ლიმიტების გათვალისწინება. სხვაობა შეზღუდულ მიღებულ ფონდებსა და გაწეულ დანახარჯებს შორის აღიარდება, როგორც შეზღუდული წმინდა აქტივი თანდართულ ფინანსურ ანგარიშგებაში.

(ლ) გაცემული ქვეგრანტები

გაცემული ქვეგრანტები გაცემისთანავე აღიარდება ფინანსური მდგომარეობის ანგარიშგებაში, როგორც ორგანიზაციის მიერ ქვეგრანტორებზე გაცემული ავანსი.

ქვეგრანტორების მიერ გაწეული ხარჯებისა და შესრულებული სამუშაოების დამადასტურებელი დოკუმენტების ორგანიზაციისადმი წარდგენისას გაცემული ქვეგრანტები გადაიხურება შესრულებული სამუშაოების და მიღებული დოკუმენტაციის პროპორციული თანხებით საქმიანობის შედეგების ანგარიშგებაში.

(მ) შესადარისი ინფორმაცია

შესადარისი ინფორმაცია რეკლასიფიცირებულია/შესწორებულია ფინანსურ ანგარიშგებაში მიმდინარე წელთან შესაბამისობისათვის. ხელმძღვანელობა თვლის, რომ ამჟამინდელი წარდგენა უზრუნველყოფს ინფორმაციას, რომელიც უტყუარია და უფრო შესაბამისი და გამოსადეგი ფინანსური ანგარიშგების მომხმარებლებისათვის. გადაანგარიშებისა და ხელახლა წარმოდგენის შედეგად შეტანილი კორექტირებების შეჯამება ფულადი სახსრების მოძრაობის ანგარიშგებაში 2020 წლის 31 დეკემბრის მდგომარეობით მოცემულია შემდეგ ცხრილში:

შენიშვნა 2: საადრცხვო პოლიტიკა (გაგრძელება)

(მ) შესადარისი ინფორმაცია (გაგრძელება)

2020 წელი	წინა პერიოდის მიხედვით	რეკლასიფიკაცია	გადაანგარიშებული
(ზრდა)/კლება დაქირავებულებზე გაცემულ ჰონორარებში	(492,127)	(61,692)	(553,819)
(ზრდა)/კლება გაწეული მომსახურებისთვის და შეძენილი საქონლისთვის გაცემულ ფულად სახსრებში	(182,014)	(145,394)	(327,408)
(ზრდა)/კლება თანამშრომლებზე გაცემულ ფულად სახსრებში	(1,103,632)	60,477	(1,043,155)
(ზრდა)/კლება ოფისის ხარჯებისთვის გაწეულ ფულად სახსრებში	(7,619)	(7,921)	(15,540)
(ზრდა)/კლება კომუნიკაციის ხარჯებში	(23,131)	(15,124)	(38,255)
(ზრდა)/კლება დაზღვევისთვის გადახდილ თანხებში	(50,068)	(7,839)	(57,907)
(ზრდა)/კლება შეხვედრებისა და კონფერენციის ხარჯებში	(10,726)	(60,776)	(71,502)
(ზრდა)/კლება სხვა ხარჯებში	(270,163)	238,269	(31,894)
სულ გავლენა	(2,139,480)	-	(2,139,480)

შენიშვნა 3: ფული და ფულის ექვივალენტები

	31-დეკ-2021	31-დეკ-2020
ნაღდი ფული სალაროში (ლარი)	36	36
ფული ბანკში (ლარი)	313,343	189,634
ფული ბანკში (გირვანქა)	3,965	4,247
ფული ბანკში (ევრო)	1,204,357	2,916,368
სულ ფული და ფულის ექვივალენტები	1,521,701	3,110,285

შენიშვნა 4: მისაღები გრანტები

	31-დეკ-21	31-დეკ-20
ევროკავშირი (EU)	6,574,050	6,219,938
კონრად ადენაუერის ფონდი (KAS)	3,773,439	-
ვენჩურული ფილანტროპიის ევროპული ასოციაცია (EVPA)	1,653,257	-
პური მსოფლიოსათვის (BFW)	1,320,582	2,586,580
ჰილფსვერქ ინთერნეიშენალ (HWI)	210,617	297,009
ნიდერლანდების საელჩო	-	25,322
ევროპის საზოგადოების ფონდის ინიციატივა (ECFI)	-	7,423
არბაითერ - სამარიტერ - ბუნდი საქართველო (ASB)	-	3,902
სულ მისაღები გრანტები	13,531,945	9,140,174

შენიშვნა 5: საგადასახადო აქტივები

	31-დეკ-21	31-დეკ-20
საშემოსავლო გადასახადი	(1,668)	(3,989)
ქონების გადასახადი	-	(18)
მოგების გადასახადი	13,315	13,315
დღგ	33,480	27,837
სულ საგადასახადო აქტივები	45,127	37,145

შენიშვნა 6: ქვეგრანტიორებისთვის გადახდილი ავანსები

	31-დეკ-21	31-დეკ-20
ა(ა)იპ ახალგაზრდა პედაგოგთა კავშირი	101,106	46,467
ა(ა)იპ სამოქალაქო საზოგადოების ინსტიტუტი	46,898	-
ა(ა)იპ საქართველოს სამოქალაქო განვითარების ასოციაცია	44,715	11,556
ა(ა)იპ საქართველოს საქოგადოებრივი ინტერესების დაცვის ასოციაცია	34,789	18,367
ა(ა)იპ აბილიტაციის და განვითარების ცენტრი	34,241	-
ა(ა)იპ ორიონი	33,877	-
ა(ა)იპ შშობელთა ხიდი	32,331	-
ა(ა)იპ საქველმოქმედო ფონდი საქართველოს კარიტასი	31,416	-
შპს კოდალა სოციალური საწარმო	29,147	-
ა(ა)იპ პოტერია	28,702	-
ა(ა)იპ საქართველოს ტრადიციული რეწვის ასოციაცია	28,555	-
ა(ა)იპ შეზღუდული შესაძლებლობებისა და მზრუნველობამოკლებულთა ორგანიზაცია მადლი	28,508	-
ა(ა)იპ სამოქალაქო ინიციატივა	26,517	-
ა(ა)იპ რეგიონული ინიციატივების ცენტრი ნათელი მომავალი	24,038	-
ა(ა)იპ საქართველოს დემოკრატიული განვითარების კავშირი	22,865	-
ა(ა)იპ სოციალურ საწარმოთა ალიანსი	21,855	-
ა(ა)იპ ბრიჯ-ინოვაცია და განვითარება	21,383	-
ა(ა)იპ სათემო განვითარების ცენტრი „აისი“	21,080	-
ა(ა)იპ სამცხე-ჯავახეთის რეგიონალური ასოციაცია „ტოლერანტი“	18,450	-
ა(ა)იპ ასოციაცია სოციალური ქოლგა	18,110	-
ა(ა)იპ ნაბიჯი ხარაგაული	17,340	-
ა(ა)იპ თეთრიწყაროს ახალგაზრდული ცენტრი	15,742	-
ა(ა)იპ საქართველოს ახალგაზრდა ეკონომისტთა ასოციაცია	15,600	-
ა(ა)იპ იმერეთის მხარის მეცნიერთა კავშირი „სპექტრი“	15,050	-
ა(ა)იპ გურიის სამოქალაქო ცენტრი	10,516	-
ა(ა)იპ კახეთის სამხარეო განვითარების ცენტრი	9,789	-
ა(ა)იპ რაჭა-ლეჩხუმის და ქვემო სვანეთის თვითმმართველობის რესურს ცენტრი	9,620	-
სოციალური საწარმო შპს ბებია	9,450	-
ა(ა)იპ ბოლნისის ზრდასრულთა განათლების ცენტრი	8,658	-
ა(ა)იპ ცოდნის და გამოცდილების ტრანსფერი	7,770	-
ინდივიდუალური გაცემული გრანტები	4,837	13,809
ა(ა)იპ სკრის ასოციაცია „ბეთლემი“	4,000	4,000
ა(ა)იპ ბოლნისის ზრდასრულთა განვითარების ცენტრი	3,600	-
ა(ა)იპ გარემოს დაცვითი სთემო ორგანიზაცია ეკო	2,957	-
ა(ა)იპ სოციალურ მუშაკთა გაერთიანება	75	3,965
სოციალური საწარმო შპს ბაბალე	-	14,900
ა(ა)იპ ფონდი აურეს	-	13,224
ა(ა)იპ დემოკრატიული განვითარების ეროვნული ცენტრი	-	12,000
ა(ა)იპ გურიის მედიატორის ასოციაცია	-	8,000
ა(ა)იპ „კარდაკარ განათლების“ საზოგადოებრივი ცენტრი	-	-
ქალთათვის და ახალგაზრდებისთვის	-	2,296
ა(ა)იპ ქვემო ხოდშანის ქალთა ინიციატივის ჯგუფი	-	2,250
ა(ა)იპ საზოგადოებრივი ცენტრი „ანიზანის“ თანამშრომლები	-	2,165
სულ ქვეგრანტიორებისთვის გადახდილი ავანსები	783,587	152,999

შენიშვნა 7. ძირითადი საშუალებები

	შენობა- ნაგებობები	ოფისის აღჭურვილობა	სატრანსპორტო საშუალებები	სულ
ნაშთი 31 დეკემბერი 2019	111,526	72,191	58,753	242,472
შემენები	-	20,811	60,593	81,404
გასვლები	-	(36,626)	-	(36,626)
პერიოდის ცვტა	(3,718)	(19,267)	(18,986)	(41,971)
ნაშთი 31 დეკემბერი 2020	107,808	37,109	100,360	245,279
შემენები	-	73,486	-	73,486
გასვლები	-	(3,131)	-	(3,131)
პერიოდის ცვტა	(5,390)	(21,694)	(16,699)	(43,783)
ნაშთი 31 დეკემბერი 2021	102,418	85,770	83,662	271,851

შენიშვნა 8: გადავადებული შემოსავალი

გადავადებული შემოსავალი	31-დეკ-21	31-დეკ-20
ევროკავშირი (EU)	8,304,188	9,363,104
კონრად ადენაუერის ფონდი (KAS)	4,113,152	48,424
ვენჩურული ფილანტროპიის ევროპული ასოციაცია (EVPA)	1,656,526	-
პური მსოფლიოსათვის (BFW)	1,525,894	2,647,636
ჰილფსგერქ ინტერნეიშენალ (HWI)	221,149	319,036
ფრიდრიხ ებერტის ფონდი (FES)	263	263
ნიდერლანდების საელჩო (NL)	-	24,773
სულ გადავადებული შემოსავალი	15,821,172	12,403,237

შენიშვნა 9: გაცემული გრანტები

2021 წელს CSR DG-მ გასცა გრანტები სხვადასხვა ინდივიდსა და ორგანიზაციებზე ევროკავშირის (EU) მიერ დაფინანსებული პროექტის „უნარების გაძლიერება და დასაქმების ინოვაციური შესაძლებლობები საქართველოს რეგიონული განვითარებისთვის“ ფარგლებში. CSR DG-სა და EU-ს შორის ხელშეკრულება გაფორმდა 2020 წლის 11 ოქტომბერს.

2021 წელს CSR DG-მ გასცა გრანტები სხვადასხვა ორგანიზაციაზე ევროკავშირის (EU) მიერ დაფინანსებული პროექტის „სოციალური მეწარმეობის განვითარება მდგრადი და ინკლუზიური საზოგადოებისთვის“ ფარგლებში. CSR DG-სა და EU-ს შორის ხელშეკრულება გაფორმდა 2020 წლის 22 დეკემბერს.

2021 წელს CSR DG-მ გასცა მცირე გრანტები სხვადასხვა ორგანიზაციაზე ევროკავშირის (EU) მიერ დაფინანსებული პროექტის „უფლებებზე დაფუძნებული სოციალური მომსახურების განვითარება შეზღუდული შესაძლებლობების მქონე პირების და ხანდაზმულებისთვის“ ფარგლებში. CSR DG-სა და EU-ს შორის ხელშეკრულება გაფორმდა 2019 წლის 12 დეკემბერს.

2021 წელს CSR DG-მ გასცა მცირე გრანტი ორგანიზაციაზე Eastern Partnership Civil Society Forum-ის მიერ დაფინანსებული პროექტის „გამჭირვალე პირბადეები ადამიანების უფლებებისთვის“ ფარგლებში.

2021 წელს CSR DG-მ გასცა მცირე გრანტები სხვადასხვა ინდივიდებსა და ორგანიზაციებზე გაეროს განვითარების პროგრამის (UNDP) მიერ დაფინანსებული პროექტის "გენდერული თანასწორობის" ფარგლებში. CSR DG-სა და UNDP-ს შორის ხელშეკრულება გაფორმდა 2021 წლის 22 მარტს.

2021 წელს CSR DG-მ გასცა გრანტები ინდივიდებსა და ორგანიზაციებზე პროექტის ფარგლებში - „სამოქალაქო ჩართულობა, სოციალური პასუხისმგებლობა და კარგი მმართველობა, გაგრძელება 2020-2023 წლებში, დაფინანსებული პური მსოფლიოსთვის (BFW)-ის მიერ. CSR DG-სა და BFW-ს შორის ხელშეკრულება გაფორმდა 2020 წლის 08 ივლისს.

შენიშვნა 9: გაცემული გრანტები (გაგრძელება)

2021 წელს CSRDG-მ გასცა მცირე გრანტი ორგანიზაციაზე The Netherlands Helsinki Committee-ს მიერ “COVID-19 სოლიდარობის პროგრამა აღმოსავლეთ პარტნიორობისთვის” ფარგლებში დაფინანსებული პროექტის “აღჭურვილობის მიწოდება დახურულ დაწესებულებებში COVID 19-ის ეფექტების საწინააღმდეგოდ” ფარგლებში.

გაცემული გრანტები დონორის დაფინანსების წყაროს მითითებით მოცემულია ქვემოთ ცხრილში:

დონორის დაფინანსების წყაროდან გაცემული გრანტები:	2021	2020
ევროკავშირი (EU)	780,403	407,728
პური მსოფლიოსათვის (BFW)	132,219	89,205
გაეროს განვითარების პროგრამა (UNDP)	93,752	280,596
ნიდერლანდების ჰელსინკის კომიტეტი	17,401	-
კონსტანტა	3,000	5,000
არბათერ - სამარიტერ - ბუნდი საქართველო (ASB-EU)	-	95,343
სულ გაცემული გრანტები	1,026,775	877,872

შენიშვნა 10: გადავადებულ გრანტებში მოძრაობა

	2021	2020
გადავადებული გრანტი საწყისი	12,403,237	3,885,462
დამატებული: პერიოდის განმავლობაში გაფორმებული საგრანტო კონტრაქტები	10,063,066	12,106,445
გამოკლებული: პერიოდის შემოსავლებში გადატანილი გადავადებული გრანტი	(6,645,131)	(3,588,669)
გადავადებული გრანტი საბოლოო	15,821,172	12,403,237

შენიშვნა 11: ანარიცხები და პირობითი ვალდებულებები

სასამართლო საქმეების წარმოება

2021 წლის 31 დეკემბერს დასრულებული წლისათვის ორგანიზაცია არ იყო ჩართული სამართალწარმოებაში.

საგადასახადო კანონმდებლობა

საქართველოს საგადასახადო, სავალუტო და საბაჟო კანონმდებლობაში არის არაერთმნიშვნელოვანი დებულებები, რომლებიც ტოვებს მათი სხვადასხვაგვარი ინტერპრეტირების შესაძლებლობას. კანონმდებლობის მოთხოვნების მენეჯმენტის მიერ მიღებული ინტერპრეტაცია, რომელიც გამოიყენება ორგანიზაციის ტრანზაქციებისა და საქმიანობის აღრიცხვისა და მართვისათვის შეიძლება ეჭვის ქვეშ დადგეს ან არასწორად იქნეს მიჩნეული რეგიონალური და ცენტრალური მარეგულირებელი ორგანოების მიერ. დასაშვებია, რომ საგადასახადო ორგანოები უფრო ხისტად დაიცავენ კანონმდებლობის მოთხოვნების საკუთარ ინტერპრეტაციას. შედეგად, შესაძლოა დარიცხულ იქნას მნიშვნელოვანი დამატებითი გადასახადები, ჯარიმები და პროცენტები.

საოპერაციო გარემო

ბოლო წლების განმავლობაში, საქართველომ განიცადა სერიოზული პოლიტიკური და ეკონომიკური ცვლილებები. როგორც განვითარებადი ბაზრის მქონეს, საქართველოს არ გააჩნია კარგად განვითარებული კომერციული ინფრასტრუქტურა, რომელიც ზოგადად უფრო განვითარებულ ბიზნეს ბაზარზე არსებობს. კანონები და რეგულაციები, რომლებიც გავლენას ახდენენ ქვეყანაში მოქმედ ბიზნესებზე ექვემდებარება სწრაფ ცვლილებას. გარდა ამისა, ეკონომიკური სტაბილურობის გაგრძელება დამოკიდებულია მეტწილად მთავრობის მიერ მიღებულ ფისკალური ზომების ეფექტურობაზე, საერთაშორისო საკრედიტო ორგანიზაციების გადაწყვეტილებებზე და ორგანიზაციის კონტროლს მიღმა სხვა ქმედებებზე.

შენიშვნა 12: საანგარიშგებო პერიოდის შემდეგი მოვლენები

2022 წლის 24 თებერვალს რუსეთმა დაიწყო ომი უკრაინასთან, რამაც გამოიწვია 2014 წელს დაწყებული რუსეთ-უკრაინის კონფლიქტის ესკალაცია. ომი ჯერ კიდევ გრძელდება ორგანიზაციის ფინანსური ანგარიშგების დამტკიცების თარიღისთვის. შეჭრა საერთაშორისო მასშტაბით დაგმეს. ბევრმა ქვეყანამ დააწესა ახალი სანქციები, რამაც გამოიწვია მძიმე ეკონომიკური შედეგები რუსეთისთვის და მსოფლიო ეკონომიკისთვის. ორგანიზაციის შეფასებით, ზემოაღნიშნული რუსეთ-უკრაინის მიმდინარე ომი ორგანიზაციის ფინანსური და პროგრამული საქმიანობის განხორციელებისთვის არ წარმოადგენს რისკს.

სხვა მნიშვნელოვანი მოვლენები, რომლებიც შეიძლება აისახოს ამ ფინანსურ ანგარიშგებაში საანგარიშგებო პერიოდის ბოლოდან მისი ხელმოწერის თარიღამდე არ მომხდარა.

- დოკუმენტის დასასრული -